



Քրդերը Առաջաւոր Ասիայի հին արիական ժողովուրդներից են: Դարերի ընթացքում նրանք լայնօրէն տարածուել են Փոքր Ասիական (Անատոլիական) ու Իրանական բարձրավանդակներում եւ Հայկական լեռնաշխարհում: Այսօր նրանք հիմնականում ապրում են Թուրքիայում, Իրանում, Իրաքում եւ Սիրիայում: Քրդեր կան նաեւ ԽՍՀՄ-ում: Ըստ պաշտօնական տուեալների, նրանք բնակւում են Միջին Ասիայում, Անդրկովկասում եւ Հիւսիսային Կովկասում: Հայաստանի եւ Վրաստանի Հանրապետութիւններում ապրում են եզդիներ, մասամբ նաեւ քրդեր:

Աղբբջանում ետպատերազմեան ժամանակաշրջանում մինչեւ 1989 թ. մարդահամարը պաշտօնապէս քրդեր չկային: Ըստ 1989 թ. մարդահամարի տուեալների, այնտեղ ապրում են մի քանի հազար քրդեր: Բաւում 1992թ. լոյս պէտք է տեսնի քրդերէն լեզուով թերթ: Յիշենք նաեւ, որ Արցախեան շարժման հետ կապուած լրատրական միջոցները սկսեցին նշել նաեւ քրդերին: Վերջիններիս թիւը, ոչ պաշտօնական տուեալներով, Աղբբջանում հասնում է 250-300 հազարի:

Ո՞րն է քրդերի թուի եւ բնակեցման տարածքի այդպիսի տատանումների պատճառը: Զմուռնալով հարցի բարդութիւնը, այնուամենայնիւ որոշ տեղեկութիւններ տանք:

Ըստ Ռուսական կայսրութեան պետական գիւղացիների նկարագրութիւնների տուեալների, որոնք կատարուում էին 1806 թուականից սկսած, քրդերը բնակւում էին այսօրուայ Աղբբջանական Հանրապետութեան գրեթէ ամբողջ արեւմտեան մասում: Այդ են վրկայում, մասնատրապէս, 1838, 1859, 1873, 1885 թթ. դաշտային նկարագրութիւնները, ինչպէս նաեւ 1896 թ. եւ 1926թ. մարդահամարների տուեալները: Հէնց 1926 թ.ից յետոյ քրդերը պաշտօնապէս վերացան Աղբբջանի տարածքից: Դա առաւել եւս տարօրինակ էր, քանի որ 1923 թ. Յուլիսին Աղբբջանի Կենտրոնական յատուկ որոշմամբ ստեղծուեց Քուրդիստանի գաւառը՝ Լաշին կենտրոնով: Այն ընդգրկում էր ժամանակակից Քելբաջարի, Լաշինի, Ղուբաքլիի եւ Չանգիլանի վարչական շրջանները, այսինքն՝ նախկին Ելիզաբետապոլի նահանգի Չանգեզուրի գաւառի մի մասը: Քուրդիստանի գաւառը ընդգրկելով Հազարու գետի աւազանը, սեպի ձեւով ընկած էր Չանգեզուրի եւ ԼՂԻՄԻ (այժմեան ԼՂ) միջեւ: Այժ, քրդերը վերջին առիթն էին, որ օգտագործուեցին Լեռնային Ղարաբաղը Հայաստանից անջատելու համար: Ընդ որում, հայերին այն ժամանակ տրուեց ինքնավար մարզի կարգավիճակ, իսկ քրդերին՝ միայն մշակութային ինքնավարութիւն: Եւ դա պատահական չէր:

Ըստ պետական գիւղացիների 1885 թ. նկարագրութիւնների

տուեալների, Ելիզաբետապոլի նահանգում քրդական գիւղերը կազմում էին բոլոր գիւղերի 9,5 տոկոսը, առանձին գաւառներում ունենալով հետեւեալ պատկերը՝ 8 գիւղ Չեւանշիրում, 59՝ Չանգեզուրում եւ մէկական Չեքրախլում եւ Արեշում: Չանգեզուրի գաւառում քրդերը հիմնականում ապրում էին, ինչպէս արդէն ասուեց, Հազարու գետի աւազանում: Նախիջեւանում քրդերը հայերի եւ աղբբջանցիների հետ միասին ապրում էին Շարուրում, իսկ գաւառում կար Սուստ քրդական գիւղը (գտնւում է այժմեան Նախիջեւանի Ինքնավար Հանրապետութեան Բաբեկի շրջանում):

Քրդերի մեծ մասը շիյա դաւանանքին էր պատկանում (մօտ 64 տոկոսը, մնացածները սունիներ էին): Արդէն 19րդ դարի վերջում նրանք հիմնականում խօսում էին թուրքերէն լեզուով, միայն որոշ գիւղերում օգտագործելով նաեւ քրդերէնը: Զնայած այդպիսի ուժեղ լեզուական, կրօնական եւ կենցաղային ձուլմանը, քրդերը շարունակում էին իրենց համարել բուրդ ազգի ներկայացուցիչներ: Իսկ նրանց թիւը շարունակում էր աճել: Օրինակ, Չեւանշիրի գաւառում 1873ից մինչեւ 1885 թ. նրանց թիւը աւելացաւ 67 ծխով եւ 740 մարդով, իսկ Չանգեզուրի գաւառում համապատասխանաբար 408 եւ 5854:

Հետեւաբար, Աղբբջանի ազգագրական քարտեզից քրդերի տարօրինակ կորուստը ուներ նաեւ առարկայական պատճառներ: Դրանք եւ՛ լեզուական ու մշակութային կենցաղային ձուլումն էին, եւ՛ կրօնը, եւ՛ նրանց հաւատարմութիւնը բեկեթին ու խաներին: Պատահական չէ, որ Քուրդիստանի գաւառի վերացումը անցաւ համեմատաբար հանգիստ եւ ընդվզումներ չեղան: Բացի այդ, 1923ից յետոյ ոչինչ չարուեց քրդերէն լեզուի զարգացման համար, իսկ «մշակութային ինքնավարութիւն» հասկացողութիւնը չգիտակցուեց բնակիչների բացարձակ մեծամասնութեան կողմից: Դրա պատճառով հետագայում հալածանքների ենթարկուեցին միայն քրդերի կրթուած ու բարձր խաւերը, ինչպէս նաեւ նրանք, ովքեր ունէին իսլամ արտայայտուած ազգային ինքնագիտակցութիւն: Վերջինիս բացակայութեան պայմաններում քրդերի ձուլումը արագ ընթացաւ:

80ական թուականների վերջերից, սակայն, կրկին բարձրացուեց քրդական ինքնավարութեան հարցը: Սակայն Քուրդիստանի ինքնավարութեան վերականգնումը դժուար եւ բարդ գործընթաց է: Այն պէտք է ըստ երեւոյթի ղիտել որպէս ամբողջ քրդական ազգային-ազատագրական պայքարի մի մասը:

ՎԻՏԱԿ ԽԱՆՔԵԱՆ